

北詩類選卷之五

明監察御史包節輯按察司知事前給事中王交校

應制部一

錫宴

醑宴

侍宴

巡幸

扈從

○宴東堂

隋煬帝

雨罷春光潤日落暝霞暉海榴舒欲盡山櫻開未飛清
音出歌扇浮香颺舞衣翠帳全臨戶金屏半隱扉風花
意無極芳樹曉禽歸

春日玄武門宴羣臣

唐太宗

韶光開令序淑氣動芳年駐輦華林側高宴栢梁前紫
庭文樹滿丹墀袞紱連九夷造瑤席五狄列瓊筵娛賓

歌湛露廣樂奏鈞天盈尊浮綠醕雅曲韻朱絃粵余君
萬國還慙撫八埏庶幾保貞固虛已厲求賢

宴山中

同前

驅馬出遼陽萬里轉旂常對敵六奇舉臨戎八陣張斬
鯨登碧海卷霧掃扶桑昔去蘭綦翠今來桂染芳雲枝
浮碎葉冰鏡上朝光迴首長安道方歡宴栢梁

奉和前御製應制

許敬宗

飛雲旋碧海解網宥青丘養更停八駿觀風駐五牛張
樂臨堯野揚麾歷舜州中山獻仙醕趙媛發清謳塞門
朱鴈入郊藪紫麟遊一舉氛霓靜千齡德化流

奉和天樞成宴夷夏羣僚應制

李嶠

轍迹銘西嶽勲庸紀北燕何如萬方會頌德九門前的
的臨黃道迢迢入紫煙仙盤正挹露高柱欲承天山類
叢雲起珠疑大火懸聲流塵作劫業固海成田帝澤傾
堯酒宸歌掩舜絃欣逢下生日還睹上皇年

千秋節宴

唐玄宗

蘭殿千秋節稱君萬壽觴風傳率土慶日表繼天祥玉
宇開花萼金懸動會昌衣冠白鷺下簾幙翠雲長獻壽
成新俗朝儀入舊章月銜花綬鏡露綴綵絲囊處處祠

田祖年年宴杖鄉深恩一德事小獲萬人康

奉和前聖製應制

張說

五德生王者千齡啓聖人赤光來照夜黃雲上覆辰海
縣銜恩久朝章獻壽新高居帝坐出夾道衆官陳梨仗
洗清景磬管凝秋旻珠囊含瑞露金鏡抱仙輪何歲無
鄉飲何田不報神薰歌與名節傳代幸羣臣

皇帝降誕日集賢殿賜宴 前人

仲秋金帝起五日土行標瑞表壬寅露光傳甲子宵陰
風吹大澤夢日照昌朝不獨華封老千年喜祝堯

集賢殿書院送學士張說賜宴

唐玄宗

廣學開書院崇儒引席珍集賢昭衮職論道命台臣禮
樂沿今古文章革舊新獻酬尊俎列賓主位班陳節變
雲初夏時移氣尚春所希光史冊千載仰茲辰

奉和前聖製得輝字

張說

侍帝金華講千齡道固稀位將賢士設書共學徒歸首
命深燕隗通經淺漢韋列筵榮賜食送客媿儒衣賀燕
窺簷下遷鶯入殿飛欲知朝野慶文教日光輝

又

徐堅

崇文德化洽新殿集賢初庸菲衆嘉選首濫承明廬殊

私光輔弼榮送列簪裾座引中厨饌杯錫上尊餘翠葉
濃丹苑晴空卷碧虛忝同文史地願草登封書

又得昇字

裴灌

問道圖書盛尊儒禮教興石渠因學廣金殿為賢昇日
月恩光照風雲寵命膺謀猷言可範舟楫事斯憑宴喜
明時洽光輝湛露凝大哉堯作主天下頌歌稱

又得蓮字

趙冬曦

術淺方觀海恩深忽見天學開丹殿籍名與石渠賢良
輔膺休命微生謬探甄春餘仍哢鳥夏近未舒蓮牋札
來宸禁衣冠集詔筵史臣知醉德欲記升中年

又得茲字

蘇頲

肅肅金殿裏招賢固在茲鏘鏘石渠內序拜亦同時宴
錫勤談道文成貴說詩用儒今作相敦學舊為師下濟
天光近中來帝渥滋國朝良史載能事日論思

又得迎字

源乾曜

盛業光書府徵人盡國英司綸賢得相羣俊學為名寵
命垂天錫崇恩發睿情薰風清禁籞文殿述皇明日霽
庭陰出池曠水氣生歡娛此無限詩酒自相迎

又得今字

陸堅

聖主崇文教層霄降德音尊賢澤既厚式宴寵逾深復

有夔龍相賢哉簡帝心得人惟邁昔多士諒推今書殿
榮光滿儒門喜氣臨顧惟誠濫次徒此接衣簪

又得迴字

程行謨

聖主崇文化鏘鏘得盛才相因歸夢立殿以集賢開象
繫微言闡詩書至道該堯尊承帝澤禹膳自天來禮洽
歡逾長風恬暑更迴國朝將舜頌同是一康哉

又得風字

褚琇

講習延東觀趨陪盛北宮惟師恢帝則敷教叶天工宣
室恩常異金華禮更崇洞門清永日華綬接微風筵降
堯厨翠榴看舜酒紅文思光萬宇高議待升中

又得謨字

賀知章

西學垂玄覽東堂發聖謨天光燭武殿時宰集鴻都枯
朽霑皇澤翺飛舞帝梧跡同遊汗漫榮是拔泥塗三嘆
承湯鼎千歡接舜壺微軀不可吝空欲詠依蒲

又得筵字

王翰

東堂起集賢貴得俊神仙首命台階老將崇御府員送
人鏘玉佩中使拂瓊筵和樂薰風解湛恩時雨連長材
成磊落短翮強翻躑徒仰蓬萊地何階不讓賢

又得登字

蕭嵩

帝曰簡才能旌賢在朕肱文章體一變禮樂道逾弘芸

閣英華入賓門鴛鴦登恩筵過所望聖澤實超恒夏葉
開紅藥餘花發紫藤微臣亦何幸叨此預文明

又得催字

李嵩

偃武堯風接崇文漢道恢集賢更內殿清選自中台佐
命留侯業詞華博物才天厨千品降御酒百壺催鴛鴦
方成列神仙喜暫陪復欣同拜首叨此頌良哉

又得賓字

劉昇

圖書應明主策府宴嘉賓台耀臨東壁乾光自北辰網
羅窮象繫述作究天人聖酒千鍾浹仙厨百味陳成山
徒可仰涉海詎知津幸逢文教盛還睹頌聲新

又得私字

李元紘

碩儒延鳳沼金馬被鴻私饌玉趨丹禁燧花降紫墀銜
恩傾旨酒鼓舞詠康時暫睹羣書緝逾昭盛業丕接筵
欣有命擗管媿無詞自驚一何幸太陽還及葵

又得華字

韋述

修文中禁起改字令名加台座徵人傑書坊應國華賦
詩開廣宴賜酒酌流霞雲散明金闕池開照玉沙掖垣
畱宿烏温樹落餘花謬此天光及銜恩醉日斜

又得西字

韋抗

廣庭臨璧沼多士侍金闕英宰文儒叶明君日月齊集

賢光首拜改殿發新題
蚤夏初移律餘花尚拂蹊
壺觴接雲上經術引關西
聖德鴻名遠將陪王檢泥

左丞相說右丞相璟太子少傅乾曜同日上

官命宴都堂賜詩一首 唐玄宗

赤帝收三傑黃軒舉二臣
由來丞相重分掌國之鈞
我有握中璧雙飛席上玕
子房推道要仲子訝風神
復輟台衡老將為調護人
鴛鴦同拜日車騎擁行塵
樂聚南宮宴觴連北斗醇
俾子成百揆垂拱問彝倫

奉和前聖製應制 張說

大塊鎔羣品輕生偶聖時
猥承三事命虛忝百寮師
右

揆謀華碩前星傳重資
連蹇求舊禮濫玷樂賢詩
賜釜同榮拜擬金宴宰司
菊花吹御酒蘭葉捧天詞
寶曆休明盛頽年畧漏衰
少畱青史筆未敢赤松期

又 宋璟

丞相邦之重非賢諒不居
老臣庸且憊何德以當諸
厚秩先為忝崇班復此除
太常陳禮樂中掖降簪裾
聖酒江河潤仙文象緯舒
冒恩懷寵錫陳力省空虛
郭隗慙無駿馮驩愧有魚
不知周勃者榮幸定何如

又 源乾曜

睿作超千古湛恩育萬人
遞遷俱荷澤同拜忽為鄰
道

合徽音暢芳馳景命新鼓鐘崇享禮鸞鷲集朝倫竊位
思官謗凋容謝木春慙多無以叙拙備實難陳進綬懷
三少承光盡百身自當歸第日何幸列宮臣

又

裴光庭

樂賢聞往誥褒德偶茲辰端揆昇元老師謀擇累仁紫
庭崇讓畢粉署禮容陳既荷恩榮舊俱承寵命新天文
懸瑞色聖酒泛華茵雜遝喧簫鼓歡娛洽縉紳掖垣招
近侍虛薄厠清塵共保堅貞節常期雨露均

又

宇文融

申甫生周日宣慈舉舜年何如偶昌運比德邁前賢寵

護元良密榮瞻端揆遷職優三事老位在百寮先北極
迴宸渥南宮飾御筵飛文瑤札降賜酒玉杯傳謬列台
衡重俱承雨露偏誓將同竭力相與效塵涓

書殿賜宴應制

徐安真

校文常近日賜宴忽昇天酒正傳杯至饗人捧案前玉
階鳴溜水清閣引歸煙共惜芸香暮春風度幾年

麗正殿賜宴應制

張說

東壁圖書府西園翰墨林誦詩聞國政講易見天心位
竊和羹重恩叨醉酒深再歌春興曲情竭為知音

又

王灣

金殿忝陪賢瓊羞忽降天鼎羅仙掖裏觴拜瑣闈前院
逼青霄路厨和紫禁煙酒空欣拊舞何以荅昌年

上陽水窻賜宴應制

孫逖

今日初逢夏歡遊續舊旬氣和先作雨恩厚別成春鳳
吹臨清洛龍輿下紫宸此中歌在藻還見躍潛鱗

又

張九齡

河漢非應到汀洲忽在斯仍逢帝樂下如逐海槎窺春
賞時將換皇恩歲不移今朝遊宴地莫比天泉池

春晚宴兩相及禮官麗正殿學士探得風字

唐玄宗

乾道運無窮恒將人代工陰陽調曆象禮樂報玄穹介
冑清荒外衣冠佐域中言談延國輔詞賦引文雄野霽
伊川綠郊明鞏樹紅冕旒多暇景詩酒會春風

奉和前御製得開字

張說

聖政惟稽古賓門引上才坊因購書立殿為集賢開髦
彥星辰下天章日月迴字如龍負出韻是鳳銜來庭柳
餘春駐宮櫻蚤夏催喜承芸閣宴幸奉栢梁杯

端午三殿宴羣臣探得神字

唐玄宗

五月符天數五音調夏均舊來傳五日無事不稱神穴

枕靈通氣長絲命續人四時花競巧九子糗爭新方殿
臨華節圓冠宴雅臣進對一言重遵文六義陳股肱良
足詠風化可還淳

奉和前聖製應制得魚字 張說

小暑夏絃應徽音商管初願齊長命縷來續大恩餘三
殿褰珠箔羣官上玉除助陽嘗黍彘順節進龜魚甘露
垂天酒之花捧御書含丹同蠶蛭灰骨共蟾蜍今日傷
蛇意銜珠遂闕如

奉和賜史供奉曲江宴應制

王維

侍從有鄒枚瓊筵向水開言陪栢梁宴新下建章來對
酒山河滿移舟草樹迴天文同麗日駐景惜行杯

麟德殿宴百寮 唐德宗

憂勤承聖緒開泰喜時康恭已臨羣后垂衣御八荒霧
開春尚早朝罷日猶長紫殿初筵列彤庭廣樂張成功
歸輔弼致理賴忠良共此歡娛事千秋樂未央

奉和前聖製應制 盧綸

雲闕御筵張山呼聖壽長玉欄豐瑞草金陛立神羊台
鼎資庖膳天星捧酒漿蠻夷陪作位犀象舞成行網已
祛三面歌因守四方千秋不可極花發滿宮香

以上俱
錫宴

○登封大酺歌

盧照鄰

日觀仙雲隨鳳輦
天門瑞雪照龍衣
繁絃綺席方終夜
妙舞清歌歡未歸

洛城觀酺應制

陳子昂

聖人信恭已
天命允昭回
蒼極神功被
青雲秘籙開
垂衣受金冊
張樂宴瑤臺
雲鳳休徵滿
魚龍雜戲來
崇恩踰五日
惠澤暢三才
玉帛羣臣醉
徽章縟禮該
方睹升中禪
言觀拜洛迴
微臣固多幸
敢上萬年杯

大酺二首

杜審言

聖后乘乾日
皇明御曆辰
紫宮初啓坐
蒼壁正臨春
雷

雨垂膏澤金錢贈
卜人詔酺歡賞遍
交泰睹惟新

其二

毘陵震澤九州通
士女歡娛萬國同
伐鼓撞鐘驚海上
新粧袿服照江東
梅花落處疑殘雪
柳葉開時任好風
火德雲官逢道泰
天長地久屬年豐

廣達樓下夜侍酺宴應制

蘇頌

東嶽封迴宴洛京
西墉通晚會公卿
樓臺絕勝宜春苑
燈火還同不夜城
正睹人間朝市樂
忽聞天上管絃聲
酺來萬舞羣臣醉
喜戴千年聖主明

春中興慶宮酺宴

唐玄宗

九達長安道三陽別館春還將聽朝暇迴作豫遊辰不
戰要荒服無刑禮樂新合醑覃土宇歡宴接羣臣玉笋
飛千日瓊筵薦八珍舞衣雲曳影歌扇月開輪伐鼓魚
龍雜撞鐘角觥陳曲終酣興晚須有醉歸人

奉和前聖製

張說

千齡逢啓聖萬域共來威慶接郊裡後醑承農事稀御
樓橫廣路天樂下重闈鸞鳳調歌曲虹霓動舞衣合聲
雲上聚連步月中歸物睹恩無外神和道入微鎬京陪
樂飲栢殿奉文飛徒竭秋雲影何資春日暉

東都醑宴五首

前人

堯舜垂天下同心致太平吾君內舉聖遠合至公情錫
命承丕業崇親享大名二天資廣運兩曜益齊明道暢
昆蟲樂恩深朽蠹榮皇輿久西幸留鎮在東京今宴千
官入分曹百戲呈樂來嫌景遽酒着訝寒輕喜氣連雲
閣歡呼動洛城人間知幾代今日見河清

其二

重華昇寶曆軒帝眇閑居政成天子孝俗返上皇初忘
味因觀樂歡心寄合醑自憐疲馬意戀戀主恩餘

其三

朱城塵曠滅翠幙景情開震震靈鼉起翔翔舞鳳來鷗

盤裝草樹綺乘結樓臺共喜光華日酣歌捧玉杯

其四

曉月調金鼓朝暎對玉盤爭馳羣鳥散鬪伎百花團遇
聖人知幸承恩物自歡洛橋將舉燭醉舞拂歸鞍

其五

凱宴惟今席餘歡殊未窮入雲歌嫋嫋向日妓叢叢
管催酣興畱關待曲終長安若為樂應與萬方同

奉和聖製登封禮畢洛城酺宴

張九齡

大君畢能事端宸樂成功運與千齡合歡將萬國同漢

歌聖酒韶樂舞薰風河洛榮光遍雲煙喜氣通春華
頓覺早天澤倍加崇草木皆霑被猶言不在躬

奉和聖製南郊禮畢酺宴 前人

配天昭聖業率土慶輝光春發三條路酺開百戲場流
恩均庶品縱觀聚康莊妙舞來平樂新聲出建章分曹
日抱戴赴節鳳歸昌幸奏承雲樂同晞湛露觴氣和皆
有感澤厚自無疆飽德羣臣醉連歌奉栢梁

奉和聖製正月十五夜燃燈繼以酺宴應制

王維

上路絃歌滿春城刻漏長遊人多晝日明月讓燈光魚

鑰通翔鳳龍輿出建章九衢陳廣樂百福透名香仙妓
來金殿都人遶玉堂定應偷妙舞從此學新粧奉引迎
三事司儀立萬方願將天地壽同以獻君王

夏月花萼樓醮宴應制

王昌齡

土德三元正堯心萬國同汾陰備冬禮長樂應和風賜
慶垂天澤流歡舊渚宮樓臺生海上簫鼓出天中霧曉
筵初接宵長曲未終兩隨行幙合月向舞筵空玉陛分
朝列文章發聖聰愚臣忝書賦歌詠頌絲桐

獻高使君大醮作

儲光羲

肅穆郊禋畢工歌賞事并三朝導湛露一道洽仁明布

德音皆應無為物自成花添羅綺色鶯亂管絃聲獨有

同高唱空陪樂太平

以上俱醮宴

○侍宴餞庾於陵應詔

劉孝綽

皇心眷將遠悵餞靈芝側是日青春獻林塘多秀色芳
卉疑綸組嘉樹似雕飾遊絲綴鶯領光風翔綺翼下輦
朝既盈畱宴景將具高談競辯端奇文爭筆力伊臣獨
無伎何用奉吹息

侍宴

張正見

大君臨四表榮光普八埏區中文化洽海外武功宣鳳
下書丹篆龜符著六編昆明不習戰雲夢豈遊畋軌文

通萬國旌節靖三邊高秋藐姑射睿想屬汾川兩宮明
合璧雙闕帶霏煙揚鑿出城觀詔蹕指郊壩禁苑迴雕
輦離宮建翠旃流水奔雷轂追風赴電鞭畫熊飄析羽
金埒響膠絃鳴玉升文砌稱觴溢綺筵獸舞依鐘石鸞
歌應管絃霞明黃鶴路風爽白雲天潦收荷蓋折露重
菊花鮮上林賓早鴈長楊唱晚蟬小臣慙藝業擊壤慕
懷鉛康衢飛馭羽大海滴微涓詠歌還集木舞蹈遂臨
泉願薦南山壽朝朝奉萬年

侍宴玄武觀

江揔

詰曉三春暮新雨百花朝星宮移渡罕天駟動行鑣
旆轉蒼龍闕塵飛飲馬橋翠觀迎斜照丹樓望落潮鳥聲
雲裏出樹影浪中搖歌吟奉天詠未必待聞韶

秋日侍宴萼湖苑應制

前人

翠渚還鑿輅瑤池命羽觴千門響雲蹕四海動榮光玉
軸昆池浪金丹太液張虹旗照島嶼鳳蓋繞林塘野靜
重陰濶淮秋水氣涼霧開樓闕近日迥煙波長洛宴諒
斯在鎬飲詎能方朽劣叨榮遇簪笏奉周行

侍宴應詔得前字

虞世南

芬芳禁林晚容與桂舟前橫空一鳥度照水百花燃綠
野明斜日青山淡晚煙濫得陪終宴握管類窺天

侍宴歸鴈堂

前人

歌堂面綠水舞館接金塘竹闌霜後翠梅動雪前香鳥
歸初可侶鴈起欲分行刷羽同棲集懷恩愧稻梁

侍宴

許敬宗

三星稀曙景萬騎翊天行葆羽翻風隊騰吹掩山楹暖
日晨光淺飛煙旦彩輕塞寒桃變色水斷箭流聲漸奏
長安道神臯動睿情

侍宴北門

杜正倫

大君端宸暇睿賞狎林泉開軒臨禁籞藉野列芳筵參
差歌管颺容裔羽旗懸玉池流若醴雲閣聚非煙湛露

晞堯日薰風入舜絃大德侔玄造微物荷陶甄謬陪瑤
水宴仍厠栢梁篇一作關名徒上月鄒辨詎談天既喜光
華旦還傷遲暮年猶冀升中日簪裾奉肅然

初春行宮侍宴應制得天字

蘇味道

溫液吐涓涓跳波急應絃簪裾承睿賞花柳發韶年聖
酒千鍾洽辰章七曜懸微臣從此醉還似夢釣天

立春日侍宴內出剪綵花應制

李嶠

幸聞年欲至剪綵學芳辰綴綺竒能似裁紅巧逼真花

應制部一
卷五
從篋裏發葉向手中春不與韶光競何名天上人

又

沈佺期

合殿春應早開箱綵預知花迎宸翰發葉待御筵披梅
訝香全少桃驚色頓移輕生承剪拂長伴萬年枝

又

宋之問

金閣裝新杏瓊筵弄綺梅人間都未識天上忽先開蝶
繞香絲住蜂憐綵艷迴今年春色早應為剪刀催

又

趙彥昭

剪綵迎初候攀條寫故真花隨紅意發葉就綠情新嫩
色驚銜燕輕香誤採人應為薰風拂能令芳樹春

又

劉憲

上林宮館裏春光獨早知剪花疑始發刻燕似新窺色
濃輕雪點香淺嫩風吹此日叨陪侍恩榮慙數枝

又

蘇頌

曉入宜春苑穠芳吐禁中剪刀因裂素粧粉為開紅綵
異驚流雪春饒點便風裁成識天意萬物與花同

又

上官昭容

密葉因裁吐新花逐剪舒攀條雖不謬摘葉詎知虛春
至由來發秋還未肯踈借問桃將李相亂欲何如

正夜侍宴應詔

薛曜

重關鐘漏通夕啟鳳凰宮雙闕祥煙裏千門明月中酒筵浮湛露歌曲唱流風侍臣咸醉止恒慙恩遇崇

奉和幸上陽宮侍宴應制 宗楚客

紫庭金鳳闕丹禁玉雞川似立蓬瀛上疑遊崑閬前鳥將歌合轉花共錦爭鮮湛露飛堯酒薰風入舜絃水光搖落日樹色帶晴煙何夕迴瑤輦佳氣滿巖泉

侍宴應制

喬知之

紫禁肅晴氣朱樓落曉雲豫遊龍駕轉天樂鳳簫聞竹外仙亭出花間輦路分微臣一何幸詞賦奉明君

黎園亭子侍宴

前人

年光陌上發香輦禁中遊草綠鴛鴦殿花紅翡翠樓天杯承露酌仙管雜風流今日陪歡豫皇恩不可酬

守歲侍宴應制

杜審言

季冬除夜接新年帝子王孫捧御筵宮闕星河低拂樹殿庭燈燭上薰天彈絲奏管梅風入對局探鉤柏酒傳欲向正元歌萬壽暫畱歡賞寄春前

蓬萊三殿侍宴奉勅詠終南山應制

前人

北斗挂城邊南山倚殿前雲標金闕迥樹杪玉堂懸半嶺通佳氣中峯繞瑞煙小臣持獻壽長此戴高天

侍宴旋師喜捷應制

韋安石

蜂蟻屯夷落熊羆逐漢飛
忘軀百戰後屈指一年歸
厚眷紆天藻深慈解御衣
興酣歌舞出朝野嘆光輝

梁王宅侍宴應制

前人

梁園開勝境軒駕動宸衷
早荷承湛露脩竹引薰風
九醞傾鍾石百獸協絲桐
小臣陪宴鎬獻壽奉維嵩

又

張說

梁園池館好曉日鳳樓通
竹畔羅千衛蘭筵降兩宮
清歌芳樹下妙舞落花中
臣學延州聽還知大國風

中宗降誕日長定公主滿月侍宴應制

李嶠

神龍見像日仙鳳養雛年
大火乘天正明珠對月圓
祚遙金篋裏歌奏玉筐前
今日宜孫慶還叅祝壽篇

又

鄭愔

春殿猗蘭美仙階栢樹榮
地逢芳節應時睹聖人生
月滿增祥莢天長發瑞霽
南山遙可獻常願奉皇明

侍宴桃花園詠桃花應制

李嶠

歲去無言忽顛顛時來含笑吐
氛氲不能擁路迷仙客
故欲開蹊待聖君

又

李乂

綺萼成蹊遍苑芳紅英撲地滿筵香莫將秋宴傳玉母
來比春華望聖皇

又

趙彥昭

紅萼競妍春苑曙粉茸新白御筵開長年願奉西王宴
近侍慙無東朔才

又

徐彥伯

源水叢花無數開丹跗紅萼間青梅從今結子三千歲
預喜仙遊復再來

又

蘇頲

桃花灼灼有光輝無數成蹊點便飛為見芳林含笑待

遂同溫樹不言歸

白蓮花亭侍宴應制

沈佺期

九日陪天仗三秋幸禁林霜威變綠樹雲氣落青岑水
殿黃花合山亭絳葉深朱旗夾小徑寶馬駐青澗苑吏
收寒果饗人膳野禽承歡不覺暝遙響素秋砧

仙萼亭成侍宴應制

前人

山中氣色和宸賞第中過輦路披仙掌帷宮拂帝蘿泉
臨香澗落峯入翠雲多無異登玄圃東南望白河

除夜安樂公主滿月侍宴應制

前人

除夜子星迴王孫滿月杯詠歌麟趾合簫管鳳雛來歲
炬常燃桂春盤預折梅聖皇千萬壽垂曉御明臺

三日禁園侍宴

前人

九重馳道出上巳禊堂開畫鷁中川動青龍上苑來野
花飄御座河柳拂天杯日晚迎祥處笙鏞下帝臺

嵩山石淙侍宴應制

前人

金輿旦下綠雲衢彩殿晴臨碧澗隅溪水泠泠逐行漏
山煙片片引香爐仙人六膳調神鼎玉女三漿捧帝壺
自惜汾陽紆道駕無如太室覽真圖

春日侍宴幸芙蓉園應制

李嶠一作宋之問

年光竹裏遍春色杏間遙煙氣籠青閣流文蕩畫橋飛
花隨蝶舞艷曲伴鶯嬌今日陪歡豫還疑陟紫霄

又

李乂

水殿臨丹籞山樓繞翠微昔遊人記乘今幸帝垂衣澗
藻緣岸合巖花逗浦飛朝來曲江地無處不光輝

又

蘇頲

御道紅旗出芳園翠輦遊繞花開水殿架竹起山樓荷
芰輕薰幄魚龍出負舟寧如穆天子空賦白雲秋

又

宋之問

芙蓉秦地沼盧橘漢家園谷轉斜盤徑川迴曲抱源風

來花自舞春入鳥能言侍宴瑤池夕歸途騎吹繁

仙萼池亭侍宴應制

前人

步輦尋丹嶂行宮在翠微川長看鳥滅谷轉聽猿稀天
磴扶階迥雲泉透戶飛開花開石竹幽葉吐薔薇徑狹
難畱騎亭寒欲進衣白龜來獻壽仙吹反彤闈

三陽宮石淙侍宴應制

前人

離宮秘苑勝瀛洲別有仙人洞壑幽巖邊樹色含風冷
石上泉聲帶雨秋鳥向歌筵來度曲雲依帳殿結為樓
微臣昔忝方明御今日還陪八駿遊

麟趾殿侍宴應制

前人

北闕層樓峻西宮複道懸乘輿歷萬戶置酒望三川花
柳含丹日山河入綺筵欲知陪賞處空外有飛煙

上陽宮侍宴應制得林字

前人

廣樂張前殿重裘感聖心砌蕙霜月盡庭樹雪雲深舊
渥驂宸御慈恩忝翰林微臣亦何幸再得聽瑤琴

侍宴銀潢宮應制

魏元忠

別殿秋雲上離宮夏景移寒風生玉樹涼氣下瑤池
花仍吐葉巖木尚抽枝願舉南山壽千秋長若斯

過太平公主山亭侍宴

張昌宗

淮南有小山羸女隱其間折桂芙蓉浦吹簫明月灣扇

掩將雛曲釵承墮馬鬟歡情本無限莫掩洛陽關

泛舟侍宴應制

張易之

平明出御溝解纜坐迴舟綠水澄明月紅羅結綺樓絃歌爭浦入冠蓋逐川流白魚臣作伴相對舞王舟

公主南宅侍宴應制

前人

逐賞平陽地鳴笳上苑東鳥吟千戶竹蝶舞百花叢時攀小山桂共挹大王風坐客無勞起秦簫曲未終

凝碧池侍宴看競渡應制

李懷遠

上苑清鑿路高居重豫遊前對芙蓉沼傍臨杜若洲地如玄扈望波似洞庭秋列筵飛翠管分曹戲鷓舟湍高

棹影泛岸近榜歌道舞曲依鸞殿簫聲下鳳樓忽逢天上樂疑逐海查流

故洛陽城侍宴應制

姚崇

遊豫停仙蹕登臨對曉晴川鳧連倒影巖鳥應虛聲野奏風成曲山居雲作纓今朝丘壑上高興小蓬瀛

春日洛陽城侍宴

前人

南山開寶曆北渚對芳蹊的歷風梅度參差露草低堯尊臨上席舜樂下前溪任重由來醉乘酣志轉迷

凝碧池侍宴應制賦得出水槎

武平一

彼木生何代為槎復幾年欲乘雲漢曲先泛玉池邊擁
溜根橫岸沉波影倒懸無勞問蜀客此處即高天

侍宴曲

賈至

雲陸褰朱扆天墀覆綠楊隔簾粧隱映向席舞低昂鳴
珮長廊靜開冰廣殿涼歡餘劍履散同輩入昭陽

以上俱侍宴

○從頓城還

梁簡文帝

漢渚水初綠江南草復黃日照蒲心暖風吹梅樹香征
艦艤湯塹歸騎息金隍舞觀衣恒襞歌臺絃未張持此
橫行去誰念守空牀

從駕遊仙

袁爽

遊天響仙蹕春望動神衷澗水含初溜山花發早叢玉
輿明淑景珠旗轉瑞風平原與上路佳氣遠蔥蔥

至老子廟應詔

庾信

虛無推馭辯寥廓本乘蜺三門臨苦縣九井對靈溪成
一作丹須竹節量藥用刀圭石似臨邛芋芝如封禪泥龐
毛新鷓小盤根古樹低野戍孤煙起春山百鳥啼路有
三千別途經七聖迷行當別關吏直向流沙西

臨渭源

隋煬帝

西征乃屆此山路亦悠悠地幹紀靈異洞穴吐洪流濫
觴何足擬浮槎難可傳驚波鳴澗石澄岸瀉巖樓滔滔

下狄縣森森肆神州長林嘯白獸雲逕想青牛風歸花
葉散日舉煙霧收直為求人隱非窮轍迹遊

奉和前聖製應詔

薛道衡

玄功復禹迹至德去湯羅玉門亭障遠金方水石多八
川茲一態萬里導長波驚流注陸海激浪轉一作天河驚
旗歷巖谷龍穴暫經過西老陪遊宴南風起詠歌庶品
蒙仁澤生靈沐太和微臣惜暮景願駐魯陽戈

奉和出穎至淮應制

弘執恭

睿情欣逸賞臨泛入淮淝棹聲喧岸度帆影出雲飛清
流含日彩奔浪蕩霞輝還如漳水曲鳴笳啓路歸

從駕還京

李德林

至仁文教遠惟聖武功宣太師觀六義諸侯問百年玄
覽時乘隙訓旅次山川鎮象屯休氣華蓋翼飛煙鼓奏
千人響旗動七星連峻嶺戈迴日高峯馬煦天姑射神
遊罷蕭關獵騎旋更待東山上看君巡狩篇

還京師

隋煬帝

東都禮義舉西京冠蓋歸是月春之季花柳相依雲
蹕清馳道雕輦御晨暉寥亮鏡笳奏葳蕤旌旆飛後乘
起文雅前驅勵武威

奉和前聖製

許善心

重光闡帝圖肆睹化來蘇卜洛連新邑因秦還舊都雷
警三辰衛星陳七萃駘從風折鳳羽曜日拖魚鬚憲章
殫禮樂容服備車徒迴鑿入豐鎬從蹕度粉榆冉冉
和變遲遲節物徂餘花照玉李細葉翦珪梧潮汐萬國
湊海會百川輸微生逢大造倏忽改榮枯

從駕巡遊

前人

大夏堯遺俗汾河漢豫遊今隨龍駕往還屬鴈飛秋天
行肅輦路日馭翼華輶朝乘六氣辨夕動七星旋谷靜
禽多思風高松易秋遠林才有色遙水漫無流京華佳
麗所目極與雲浮但睹凌霄觀詎見望仙樓鑲門皆秀

發駕池盡覺優侍君草封禪東山觀射牛

從駕天池應詔

薛道衡

上聖家寰寓威畧振邊陲八維窮眺覽千里轉旌旗駕
龍臨碧海控驥踐瑤池曲浦騰煙霧深浪駭鯨鱗

從駕幸晉陽

前人

省方遵往冊遊豫叶前經金吾朝戒道校尉晚巡營重
巒下飛騎絕浦度連旌澗水寒逾咽松風遠更清方觀
翠華反簪筆上雲亭

初發東都應詔

庾自道

二龍承玉軸萬騎翊林塘縱觀此何事巡駕幸淮陽伊

奉和拜洛

李嶠

七萃鸞輿動千年瑞檢開
文如龜負出圖似鳳銜
來殷薦三神享明祠萬國陪
周旗黃鳥集漢幄紫雲迴
日暮鈎陳轉清歌上帝臺

奉和展禮岱宗塗經漢濟 蕭楚材

拂漢星旗轉分霄日羽明
將追會阜迹更勒岱宗銘
林戈明濟岸獸鼓震河庭
葉箭凌寒矯烏弓望曉驚
已降汾水作仍深迎渭情

又

薛克構

龍圖冠脊陸鳳駕指雲亭
非煙泛濟浦緣字啓河汀
畫

常晨應月文戟曙分星
四田巡揖禮三驅道契經
行欣奉萬歲竊抃偶千齡

春日望海

唐太宗

披襟眺滄海憑軾翫春芳
積流橫地紀疏派引天潢
仙氣凝三嶺和風扇八荒
拂潮雲布色穿浪日舒光
照岸花分彩迷雲鴈斷行
懷卑運深廣持滿守靈長
有形非易測無源詎可量
洪濤經變野翠島屢成桑
之杲思漢帝碣石想秦皇
霓裳非本意端拱是圖王

奉和前聖製

楊師道

春山臨渤海征旅輟晨裝
迥瞰盧龍塞斜瞻肅慎鄉
洪

波迴地軸孤嶼映雲光落日驚濤上浮天駭浪長仙臺
隱竊駕水府泛龜梁碣石潮煙滅之杳歸鴈翔北巡非
漢后東幸異秦皇塞旌羽林客跋距少年場雷擊驅遼
水鵬飛出帶方將舉青丘繳安訪白霓裳

又

許敬宗

韓夷僭奉贖馮險亂天常乃神弘廟畧橫海剪吞航雷
野清玄菟騰笳振白狼連雲飛巨艦編石架浮梁周遊
臨大壑降望極遐荒桃門通山抃蓬渚映霓裳驚濤舍
蜃闕駭浪掩晨光青丘絢春組丹谷躍華桑長驅七萃
卒成功百戰場我且旋戎路飲至肅巖廊

過溫陽

唐太宗

溫渚停仙蹕豐郊駐曉旌路曲迴輪影巖虛傳漏聲暖
溜驚湍駛寒空碧霧輕林黃疎葉下野白曙霜明眺聽
良無已煙霞斷續生

奉和前聖製

王貞

鳳輦騰宸駕驟御次乾遊坎德踈溫浪山隈派暖流寒
氛空外擁蒸氣沼中浮林雕帷影散雲斂蓋陰收霜郊
暢玄覽參差落景道

又

王德真

握圖開萬寓屬聖啓千年驪阜疏緹綺驚鴻映綵旂玉

霜明鳳野金陣藻龍川祥煙聚危岫德水溢飛泉停輿
興睿覽還奉大風篇

又

楊思玄

豐城觀漢迹温谷幸秦餘地接幽王壘塗分鄭谷渠風
威肅文衛日影鏡雕輿遠岫凝氛重寒叢對影踈迴瞻
漢章闕佳氣滿宸居

又

鄭義真

洛川方駐蹕豐野暫停鑿湯泉恒獨涌温谷豈知寒漏
鼓依巖畔霜風出樹端嶺煙遙聚草山月迥臨鞍日用
誠多幸天文遂仰觀

重幸武功

唐太宗

代馬依朔吹驚禽愁昔藜况茲承睿德懷舊感深衷積
善欣餘慶暢武悅神功垂衣天下治端拱車書同白水
巡前迹丹陵幸舊宮列筵歡故老高宴聚新豐駐蹕撫
田畷迴輿訪牧童瑞氣縈丹闕祥煙散碧空孤嶼含霜
白遙山帶日紅於焉歡擊筑聊此詠南風

入潼關

同前

嶠函稱地險襟帶壯兩京霜峰直臨道冰河曲繞城古
木參差影寒猿斷續聲冠蓋往來合風塵朝夕驚高談
先馬渡偽曉預雞鳴棄繻懷遠志封泥負壯情尚有真

人氣安知名不名

奉和前聖製

許敬宗

曦馭循黃道星陳引翠旗濟潼紆萬乘臨河耀六師前
旌彌陸海後騎發通圻勢踰迴地軸威盛轉天機是節
歲窮紀關樹蕩涼颼仙霧含靈掌瑞鼎照川湄冲襟賞
臨睨高詠入京畿

秋風函谷應詔

徐賢妃

秋風起函谷朔氣動河山偃松千嶺上雜雨二陵間
雲愁廣隰落日慘重關此時飄紫氣應詔真人還

登驪山高頂寓目

唐中宗

四郊秦漢國八水帝王都閭閻耀里閭城闕壯規模貫
渭稱天邑含岐寔奧區金門披玉館因此識皇圖

奉和前聖製應制

李嶠

步輦陟山巔山高入紫煙忠臣還捧日聖后欲捫天迥
識平陵樹低看華嶽蓮帝鄉應不遠空見白雲懸

又

劉憲

驪阜鎮皇都鑿遊眺八區原隰旌門裏風雲宸座隅直
城如斗柄宮樹似星榆從臣詞賦末濫得上天衢

又

趙彥昭

皇情遍九垓御輦駐昭回路若隨天轉人疑近日来河

看大禹鑿山見巨靈開頽危封鑿駕常持薦壽杯

又

蘇頲

仙蹕御曾氛高高積翠分巖聲中谷應天語半空聞豐
樹連黃葉函關入紫雲聖圖恢寓縣歌賦少橫汾

又

崔湜

名山河壯哉玄覽一徘徊御路穿林轉旌門倚石開煙
雲肘後發河塞掌中來不學蓬壺遠經年猶未迴

又

李乂

崖巘萬尋懸居高敞御筵行戈疑駐日步輦若昇天城
闕霧中近關河雲外連謬陪登岱駕欣奉濟汾篇

又

武平一

鑾輿上碧天翠巒拖晴煙絕萼紆仙逕層巖敞御筵雲
披丹鳳闕日下黑龍川更睹南薰奏流聲入管絃

又

張說

寒山上半空臨眺畫圖中是日巡遊處晴光遠近同川
明分渭水樹暗辯新豐巖壑清陰暮天歌起大風

幸新豐溫泉宮應制

徐彥伯

姬典歌時邁虞編記省方祠如黑帝月玄覽白雲鄉翠
枝縈船庫明旆應陪陽風搖花眊彩雲艷寶戈芒御陌
關函次離宮夾樹行桂枝籠騾裏松葉覆堂皇仙女舍

珠液温池孕壁房湧疑神漢峙澄若帝臺漿獨沸流常
熱潛蒸氣轉香青坻環玉甃紅綻鑠金光藻耀凝芳潔
歲甦獻淑祥五龍歸寶筭九鴈叶時康同預華封老中
衢祝聖王

又

武平一

秦王登碣石周后襲崑崙何必在遐遠方稱萬寓尊我
皇順時豫星駕動軒轅雄戟交馳道清笳度國門迴輿
長樂觀校獵上林園行漏移三象連營總八屯旌搖鸚
鵝谷騎轉鳳凰原絕壁蒼苔古靈泉碧溜温參差開水
殿窳窳敞巖軒豐邑模猶在驪宮迹尚存煙松銜翠幘
雪徑遶花源侍從推玄草文章召武賁深仁浹夷夏大
造溢乾坤謬忝王枚列多慙雨露恩

途經華嶽

唐玄宗

飭駕去京邑鳴鑾指洛川循途經秦華迴蹕暫周旋翠
萼畱斜影懸巖凝夕煙四方皆石壁五位配金天髣髴
看高掌依稀聽子先終當銘歲月從此記靈仙

子先見
列仙傳

奉和前聖製應制

張九齡

萬乘華山下千巖雲漢中靈居雖奧密睿覽摠玄同日
月臨高掌神仙仰大風攢峰勢岌岌翊輦氣雄雄揆物
知幽贊銘勲表聖衷會應陪玉檢來此告成功

又

蘇頌

朝望蓮花嶽神心就日來晴觀五千仞仙掌拓山開受
命金符叶過祠玉瑞陪霧披乘席見雲起馭龍迴偃樹
枝頭雪殘碑石冒苔聖皇惟道契文字勒巖隈

又

張說

西嶽鎮皇京中峯入太清玉鑿重嶺應緹綺薄雲迎霽
日懸高掌寒空映削成軒遊會神處漢幸望仙情舊廟
青林古新碑綠字生羣臣願封岱迴駕勒鴻名

早渡蒲津關

唐玄宗

鐘鼓嚴更曙山河野望通鳴鑿下蒲阪飛旆入秦中地

險關逾壯天平鎮尚雄春來津樹合月落戍樓空馬色
分朝景雞聲逐曉風所希常道泰非復候繻同

奉和前聖製

張說

蒲坂橫臨晉華芝曉望秦關城雄地險橋路扼天津樓
映行宮日隄含苑樹春黃雲隨寶鼎紫氣逐真人東詠
唐虞迹西觀周漢塵山河非國寶明主愛忠臣

又

徐安貞

仙掌臨秦甸虹橋闢晉關兩都分地軸一曲渡河灣路
得津門要時稱古戍閑城花春正發岸柳曙堪攀後來
猶臨水前旌欲換山長安回望日宸御六龍還

又

魏武中流處軒皇問道迴長隄春樹發高掌曙雲開龍
負王舟度人占仙氣來河津會日月天仗役風雷東顧
重關盡西馳萬國陪還聞股肱郡元首詠康哉

張九齡

早登太行山中言志

唐玄宗

清蹕渡河陽凝笳上太行火龍明鳥道鐵騎遠羊腸白
霧埋陰壑丹霞助曉光澗泉含宿凍山木帶餘霜野老
茅為室樵人薜作裳宣風問耆艾敦俗勸耕桑涼德慙
先哲徽猷慕昔皇不因今展義何必冒垂堂

奉和前聖製應制

張說

六龍鳴玉鑿九折步雲端河脊南浮近山經北上難羽
儀映松雪戈甲帶春寒百火農笳動千巖曉仗攢皇心
感韶節敷藻念人安既立省方館復建禮神壇扈蹕參
天老承榮忝夏官長勤百年意思見一勝殘

又

張嘉貞

明發扈山巔飛龍高在天山南平對鞏山北遠通燕瞻
彼岡鑿峻憑茲士馬妍九疑行若砥萬谷輾如川羅網
開三面問閭問百年澤將春雪比文共曉星連後后逢
今聖登台謝曩賢唯餘事君節不讓古人先

又

張九齡

孟月攝提貞乘時我后征晨嚴九折度暮戒六軍行日
御馳中道風師卷太清戈鋌林表出組練雪間明動植
希皇豫高深奉睿情陪遊七聖列望幸百神迎氣色煙
猶喜恩光草上榮之采稱萬歲今此復同聲

又

蘇頌

北山東入海馳道上連天順動三光注登臨萬象懸俛
觀河內邑平指洛陽川按蹕夷關險張旗亘井泉曉巖
中警柝春事下蒐田德重周王問歌輕漢后傳宸遊鋪
令典睿思起芳年願以封書奏廻鑿禪肅然

又

苗晉卿

金吾戒道清羽騎動天聲砥路方南紀重巖始北征關
樓前望遠河邑下觀平喜氣廻輿合祥風轉旆輕祝堯
三老至會禹百神迎月令農先急春蒐禮後行仍親后
土祭更理晉陽兵不似勞車徹空畱八駿名

奉和次瓊嶽嶺應制

張九齡

山祗亦望幸雲雨見靈心嶽館逢朝霽關門解宿陰咸
京天上近清渭日邊臨我武因冬狩何言是即禽

又

李林甫

東幸從人望西巡順物廻雲收二華出天轉五星來十
月農初罷三驅禮復開更看瓊嶽上佳氣接神臺

陸海披晴雪千旗獵早陽嶽臨秦路險河繞漢垣長行
漏通鳩鵲離宮接建章東門信宿近歌舞扈周王

經河上公廟

唐玄宗

昔聞有耆叟河上獨遺榮迹與囂塵隔心將道德并詎
以天地累寧為寵辱驚矯然迥寥廓如何屈堅貞玄玄
妙門啓肅肅祠宇清冥冥無先後那能紀姓名

奉和前聖製應制

張說

河上無名老知非漢代人先探道德要畱待聖明辰玄
妙為天下清虛用谷神化將和氣一風與太初隣靈廟

觀遺像仙歌入至真皇心齊萬物何處不同塵

又

張九齡

昔日河邊叟誰知隱與仙姓名終不識章句此空傳迹
為坐忘晦言由強著詮精虛竟何所祠宇獨依然道在
紆宸眷風行動睿篇從茲化天下清淨復何先

又

蘇頲

河流無日夜河上有神仙輦路常經此壇塲即宛然下
疑成洞穴高若在空中煙善物遺芳外和光繞道邊事因
周史得言向漢皇傳喜屬膺期聖邦家業又玄

奉和早發三鄉山行應制 張九齡

羽衛森森西向秦山川歷歷在清晨晴雲稍卷寒巖樹
宿雨能消御路塵聖德由來合天道靈符即此應時巡
遺賢一一皆羈致猶欲高深訪隱淪

奉和聖製初出洛城

前人

東土淹龍駕西人望翠華山川祗詢物宮觀豈為家十
月迴星斗千官捧日車洛陽無怨思巡幸更非賒

春日幸龍門應制

武三思

鳳駕臨香地龍輿上翠微星宮含雨氣月殿抱春輝碧
澗長虹下雕梁早燕歸雲疑浮寶蓋石似拂天衣露草
侵堦長風花繞席飛日斜宸賞洽清吹入重闈

又

宋之問

宿雨霽氛埃流雲度城闕河堤柳新翠苑樹花初發洛
城花柳此時濃山水樓臺映幾重羣公拂霧朝翔鳳天
子乘春幸鑿龍鑿龍近出王城外羽從淋漓擁軒蓋雲
罕纜臨御水橋天衣已入香山會山壁嶄巖斷復連清
流澄澈俯伊川塔影遙遙綠波上星龕奕奕翠微邊層
巒舊長千尋木遠壑初飛萬丈泉彩仗虹旌繞香閣下
輦登高望河洛東城宮闕擬昭回南陌溝塍殊綺錯林
下天香七寶臺山中有酒萬年杯微風一起祥花落仙
樂初鳴瑞鳥來鳥來花落紛無已稱觴獻壽煙霞裏歌

舞淹畱景欲斜石間猶駐五雲車
鳥旗翼翼畱芳草龍騎駸駸映
晚花千乘萬騎鑿輿出水靜山空
嚴警蹕郊外喧喧引看人傾都南
望屬車塵囂聲引颺開黃道佳氣
周旋入紫宸先王定鼎山河固寶
命承周萬物新吾君不事瑤池樂
時雨來觀農扈春

經鄒魯祭孔子而嘆之

唐玄宗

夫子何為者棲棲一代中地猶鄒氏邑
宅即魯王宮歎鳳嗟身否傷麟怨道窮
今看兩楹奠當與夢時同

奉和前聖製

張說

孔聖家鄒魯儒風藹典墳龍驂過舊宅
鳳德詠餘芬入

室神如在升堂樂似聞懸知一玉法今日待明君

奉和聖製經孔子舊宅應制

張九齡

丘門大山下不見登封時徒有先王法
今為明主思恩加萬乘幸禮致一牢祠
舊宅千年外光華空在茲

中宗幸温湯獻絕句三首 上官昭容

三冬季月景龍年萬乘觀風出灞川遙看
電躍龍為馬迥矚霜原玉作田

其二

鸞旗掣曳拂雲迴羽騎驂驪躡景來
隱隱驪山雲外聳

迢迢御帳日邊開

其三

翠幙朱帷敞月營
金罍玉笋泛蘭英
歲歲年年常扈蹕
長長久久樂承平

正月晦駕幸滻水應制

宗楚客

御輦出明光
乘流泛羽觴
珠胎隨月減
玉漏與年長
寒盡梅猶白
風遲柳未黃
日斜旌騎轉
休氣滿林塘

奉和前

張說

千行發御柳
一葉下仙筇
青浦宸遊至
朱城佳氣濃
雲霞交暮色
草樹喜春容
藹藹天旂轉
清笳入九重

又

沈佺期

素滻接宸居
青門盛祓除
摘蘭喧鳳野
浮棗溢龍苑
蝶飛殊嬾宮
鶯轉不踈星
移天上
入歌舞
向儲胥

惟此溫泉是稱愈
疾豈予獨受其福
思與兆人共之
乘暇巡遊乃言其志

唐玄宗

桂殿與山連
蘭湯湧自然
陰崖含秀色
溫谷吐潺湲
績為蠲邪著
功因養正宣
願言將億兆
同此共昌延

奉和前聖製應制

張說

溫谷媚新豐
驪山橫半空
湯池薰水殿
翠木暖煙宮
起

疾逾仙樂無私合聖功始知堯舜德心與萬人同

幸鳳泉湯

唐玄宗

西狩睹周俗南山歷漢宮薦鮮知路近省歛覺年豐陰
谷含神爨湯泉養聖功益齡仙井合愈疾醴源通不重
鳴岐鳳誰矜陳寶雄願將無限澤霑沐衆心同

奉和前聖製應制

張說

周狩聞岐禮秦都拜雍名獻禽天子孝存老聖皇情温
潤宜冬幸遊畋樂歲成湯雲出水殿暖氣入山營坎意
無私結乾心稱物平帝歌流樂府溪谷也增榮

奉和登會昌山應制

孫逖

巖磴列雲旗吾君訪道時乾行萬物睹日馭六龍遲望
遠回天顧登高動睿詞願因山作壽長保會昌期

又

錢起

睿想入希夷真遊到具茨玉鸞登嶂遠雲輅出花遲泉
壑凝神處陽和布澤時六龍多順動四海正雍熙

以上俱
巡幸

○春日從駕新亭應制

劉孝綽

旭日輿輪動言追河曲遊紆餘出紫陌迤邐度青樓前
驅掩蘭徑後乘歷芳洲春色江中滿雲葉巖上畱江風
傳葆吹巖花映乘遊臨渦起睿作駟馬暫停輶侍從榮
前阮雍容慙昔劉空然等禪翰非徒嗟未道

扈從南出雀鼠谷

張說

豫動三靈贊時巡四海威陝關凌曙出平路半春歸霍
鎮迎雲罕汾河送羽旗山南柳半密谷北草全稀遲日
宜華蓋和風入采衣上林千里近應見百花飛

答張說南出雀鼠谷

唐玄宗

雷出應乾象風行順國人川途猶在晉車馬漸歸秦背
陝關山險橫汾鼓吹震草依陽谷變花待此巖春聞有
鴛鴦客清詞雅調新求音思欲報心迹竟難陳

奉和前聖製

趙冬曦

軒轅膺順動力收正趨陪道合殷為礪時行楚有材省

方西禮設振旅北京迴地里分中壤天文照上台寒依
汾谷去春入晉郊來竊比康衢者長歌仰大哉

又

蘇頌

兩施巡方罷雲從訓俗迴密途汾水衛清蹕晉郊陪寒
着山邊盡春當日下來御祠玄鳥應仙仗綠楊開作頌
音傳雅觀文色動台更知西向樂宸藻叶鹽梅

又

宋璟

秦地雄西夏并州近北胡禹行山啓路王在邑為都忽
見寒暄隔深思險易殊四時宗伯叙六義宰臣鋪徵作
宮常應星環日每紆威哉逢合道良以致亨衢

又

崔翹

鳴鑾初幸代旋蓋欲橫汾山盡千旗出郊平五校分前
林已暄景後壑尚寒氛風送簫韶曲花迎黼黻文鹽梅
推上宰禮樂統中軍獻賦紆天札飄飄飛白雲

又

王光庭

省俗恩將遍巡方路稍迴寒隨汾谷盡春逐晉郊來雲
騎傳行漏煙旄引從臺惠風初應律和氣正調梅雅頌
通宸詠天文接曙台灞陵桃李色應待日華開

又

袁暉

魏國山河險周王警蹕迴九旗雲際出萬騎谷中來石

岸行將盡煙郊望忽開賞矜垂柳拂春畏落花催興逸
橫汾體恩褒作頌才小臣瞻日月延首詠康哉

又

席豫

碛路繞河汾晴光拂曙氣茹吟中嶺樹仗入半峯雲頓
覺山原盡平看邑里分早行芳草迥一作晚憇好風薰嘉
頌推英宰春遊扈聖君共欣承睿渥日月照天文

又

王丘

襟帶三秦接旂常萬乘過陽源淑氣早陰谷沍寒多花
縟前郊仗霜嚴後殿戈戍雲開晉嶺江鴈入汾河北土
分堯俗南風動舜歌一聞天樂唱共祝萬人和

又

張九齡

設險諸侯地承平聖主巡東君朝二月南旆擁三辰寒
出重關盡年隨行漏新瑞雲叢捧日芳樹曲迎春舞詠
先馳道恩華及從臣汾川花鳥意併奉屬車塵

又

梁昂卿

何忽重關道千年遇聖皇幽林承睿澤閑谷見清光日
御光途遠山靈獻壽長寒雲入晉薄春樹隔汾香國佐
同時雨天文屬歲陽從來漢家盛未若此巡方

扈從溫泉宮獻上

張說

溫泉啓蟄氣氛氲渭浦歸鴻日數羣騎仗聯聯環北極

鳴笳步步引南薰林間綵殿籠佳氣山上朱旗繞翠雲
不知遠夢華胥國何如親奉帝堯君

宿直溫泉宮羽林獻詩

前人

冬狩美秦正新豐樂漢行星陳玄武閣月對羽林營寒
木羅霜仗空山響夜更恩深靈液暖節效古松貞文武
皆王事輸心不為名

扈從出長安應制

杜審言

分野都畿列時乘六御均京師舊西幸洛道此中巡文
物驅三統聲明走百神龍旗縈漏夕鳳輦拂鈞陳撫迹
地靈古遊情皇鑒新山追散馬日水憶釣魚人禹食傳

中使堯尊遍下臣省方稱國阜問道識風淳歲晚天行
吉年豐景從親歡娛包歷代宇宙忽疑春

和周記室從駕曉發合璧宮

李嶠

濯龍春苑曙翠鳳曉旗舒野色開煙後山光淡月餘風
長笳響咽川迴騎行踈珠履陪仙駕金聲動屬車

扈從溫泉紫微黃門羣公泛渭川得齊字

蘇頲

虹旗映綠萋春繞漢豐西侍蹕扶清道揚舲降紫泥近
臨鈞石地遙指鈞璜溪岸轉帆飛疾川平棹舉齊傳舟

未足用軒馭往應迷興發菱歌動沙洲亂夕鷺

奉和扈從溫泉宮承恩賜浴

蔡希周

天行雲從指驪宮浴日餘波錫詔同綵殿氛氲擁香溜
紗窻宛轉閉和風來將蘭氣衝皇澤去引星文捧碧空
自憐遇坎便能止願托仙槎路未通

和僕射晉公扈從溫泉

王維

天子幸新豐旌旗渭水東寒山天仗裏溫泉谷幔城中奠
玉羣仙座焚香太乙宮出遊逢牧馬罷獵有非熊上宰
無為化明時太古同靈芝三秀紫陳粟萬箱紅王禮遵

應制詩一
卷五
儒教天兵小戰功謀猷歸摛匠詞賦屬文宗司諫方無
闕陳詩且未工長吟吉甫頌朝夕仰清風

和李員外從駕幸溫泉宮 錢起

未央月曉度踈鐘鳳輦時巡出九重雪霽山門迎瑞日
雲開水殿候飛龍輕寒不入宮中樹佳氣常浮仗外峯
遙羨枚臯扈仙蹕偏承霄漢渥恩濃

扈從鳳泉和崔黃門喜恩旨解嚴羅罷圍之

作

蘇頲

輦路岐山曲儲胥渭水湄教成提將鼓禮備植虞旗不
取從畋樂先流去殺慈舜韶同舞日湯祝盡飛時物應

陽和施人知雨露私何如穆天子七萃幾勞師

扈從鄠社間奉呈刑部尚書舅崔黃門馬常

侍

前人

翠輦虹旗出帝京長楊鄠社昔知名雲山一一看皆美
竹樹蕭蕭畫不成羽騎將過持袂拂香車欲度捲簾行
漢家曾草巡遊賦何似今來扈聖明

和姚令公從幸溫泉喜雪 張九齡

萬乘飛黃馬千金狐白裘正逢銀霰積如向玉京遊瑞
色鋪馳道花文拂綵旒還聞吉甫頌不共郢歌儔

扈從溫泉奉和姚令公喜雪

清道豐人望乘時漢主遊恩暉隨霰下慶澤與雲浮泉
暖驚銀磧花寒愛玉樓鼎臣今有問河伯且應畱

蘇頌

侍從遊宿溫泉宮作

李白

羽林十二將羅列應星文霜仗懸秋月蜺旌卷夜雲嚴
更千戶肅清樂九天聞日出瞻佳氣蔥蔥繞聖君


扈從御宿池

祖詠

君王既巡狩輦道入秦京遠樹低槍壘孤山出幔城寒
踈清禁漏夜警羽林兵誰念迷方客常懷魏闕情

以上俱
扈從

苑詩類選卷之五



卷五

五

五

五

